

ХУШХАБАРЛАР

ШИФО МАСКАНИ

ИЛГАРИ Киров ноҳиясидаги «1-Кисловодск» маҳалласида яшовчи аҳоли бетоб бўлиб қолган фарзандларини асосан Юнусобод даҳасидаги 5-болалар касалхонасига олиб борар эдилар. Яқинда полковник Хўжаев кўчасидаги манший хизмат уйининг эски биноси қайта таъмирланди. Эндиликда шу жойда 3-болалар поликлиникаси иш бошлади. Мазкур масканда тиббий хизмат кўрсатиш учун барча шарт-шароитлар муҳайё.

А. НАБИХУЖАЕВ,
кекса журналист.

ЭШИК-РОМЛАР ТАЙЁРЛАНАЯПТИ

УРТА Осиё кабеллар ишлаб чиқариш бирлашмаси «Чинор» ижара корхонасининг «Берёзка» ширкати хайрли ишга қўл урди. Корхона яқинидаги Файзулла Хўжаев маҳалласи аҳли учун буюртмалар бажаришни йўлга қўйди. Иморат қурмоқчи бўлган одамлар эшик, ром ва бошқа ёғочдан тайёрланган қурилиш жиҳозларини шу ердан олишяпти. Ширкат ишчилари хонадонга бориб пол қоқиш, ёғочдан ясалган буюмларни созлаш каби дурадгорлик юмушларини ҳам бажармоқдалар.

С. БАДРИДДИНОВ

ИШЧИ НАЗОРАТИГА ИШОНЧ

БИЗДА ечимини кутаётган муаммолар талайгина. Доймо дўкон ва озиқ-овқат корхоналари билан алоқа қилишимизга тўғри келади. Ноҳия ижроқўми маҳаллада бўладиган тўй ва маъракаларга яқиндан ёрдам бериш мақсадида хонадонларни савдо шохобчаларига бириктириб қўйган. Афсус бундай кўрсатманинг бажарилишига савдо ходимлари баъзан етарли эътибор беришмаяпти. Қўмита хонадонда бирор маросим ўтказмоқчи бўлган одамни ноҳия савдо бошқармасига юборади. Бу ердан дўконга йўлланма берилади. Дўкон мудири эса ҳар хил баҳоналар билан керакли озиқ-овқатларни бермасликка ҳаракат қилади. Қанд йўқ, чой йўқ, гуруч йўқ... Мурожаат қилаётган одамнинг ташвиши янада ортиб, бошқармага йўл олади. Хуллас, олмоқчи бўлган нарсасига етишолмай сарсон бўлади.

Қурилиш жиҳозларини олишдаги овозгарчиликларни-ку аста қўяверинг. Таъмирланадиган хонадон учун 3-ёғоч омборига йўлланма берилади. Бу ердан шифер, ёғоч ёки тахтани ўз вақтида олиш амри маҳол. Бундай қийинчиликларнинг олдини олиш мақсадида маҳаллада ишчи назорати гуруҳи ташкил қилдик. Унга қўмита аъзоларидан энг тажрибали ва қонун билан таниш одамлар сайланди. Пенсияер Жанабой Сулаймонов эса бошчилик қилаяптилар. Ишчи назоратчи ёрдамида эндиликда маҳалладаги ҳар хил тартибсизликлар, шунингдек, ободончилик ишлари йўлга тушади, деб умид қиламиз.

А. РИСБАКОВ,
Сергели ноҳиясидаги «Қипчоқ» маҳалла кўмитасининг раиси.



Охунбобоев номидаги бош кийимлар фабрикаси филиалида тикилаётган бош кийимлар аҳолига манзур бўлаяпти. Шу корхонада 18 йилдан бери ишлаётган

мураббий Назира Маҳмудова (суратда ўртада) гулдек хунарини ўзи яшаётган маҳалладаги ёшларга ҳам ўргатапти. Х. Солиҳов сурати.

Низом қандай

бажарилмоқда?

ҲАМКОРЛИК ФОЙДАСИ

ЯҚИНДА бир мактабга бордим. Текин нонушта улашिलाётганининг устидан чиқиб қолибман. Каттакон ликобчага нари борса тўрт қошиқ келадиган қилиб ширгуруч солинаяпти. Ҳеч нараса билмагандек, ошпазга: «Менга ҳам ширгуруч беринг», — дедим. Ликобчадан биттасини деярли тўлғизиб сузиб берди. Икки қирқим нон олдим. Ишонасизми, 15 тийин тўладим, холос. Агар ота-оналар мана шу аҳволни билишса ҳар куни болаларига 15 тийин бериб, кейин мактабга жўнатишларига аминман! Хўш, бунинг ўқитувчи ёки мактаб раҳбарлари билишмайди, дейсизми? Билишади. Лекин кўп жойларда лоқайдлик устунлик қилмоқда.

Шу ўринда бир мулоҳазани айтиб ўтсам. Халқимизда: «Бир болага етти қўшн ҳам ота, ҳам она!» деган нақл бор. Демокриманки, ёшлар тарбиясида

фақат она ёки мактаб жамоатчилиги фаолияти билан чекланиш нотўғридир. Ахир яқиндагина қабул қилинган маҳалла кўмиталари Низомининг 2-қисми, 14-бандида: «Мактабда ўқувчиларга чуқур билим бериш, мактаб ёшидаги болаларни ҳисобга олишда, болалар билан тарбиявий ишларни, аҳоли турар жойларида мактабдан ташқари вақтда уларнинг дам олишларини ташкил этишда, мактабга қатнамаётганларнинг сабабини аниқлашда халқ маорифи муассасаларига ёрдам кўрсатади...» дейилган. Қанчадан-қанча тadbирларга бош-қош маҳалла кўмиталари мактабдаги таълим-тарбия, болаларнинг озиқ-овқат билан таъминланиши билан ҳам қизиқсалар, фойдадан ҳоли бўлмас эди.

Айримлар эътироз билдиришлари мумкин. «Шундоқ ҳам назоратчилар тўлиб ётибди, ҳали ноҳия халқ таълими бўлими, ҳали фронтал текширув, ҳали СЭС келиб текширади», деб. Тўғри, текширувчилар етарли. Аммо ноҳия, шаҳар маорифи ёки санитария-эпидемиология станциясидан келадиганлар мактаб ўқувчиси шароити билан қизиқадилар. Кўмиталар эса ўз фарзандларини. Бунинг орасида катта фарқ бор.

Айрим маориф раҳбарлари бунинг ўзларига ишонсизлик деб билишлари мумкин. Менимча, маҳалла кўмиталари билан биргаликда ишлаш, ҳамкорлик қилиш фақат фойда келтиради, холос.

С. СУЛТОНОВА.

Тарбиянинг калити

«Иттифок» маҳалласида араб алифбоси бўйича тўғрак иш бошлаганига энди бир ярим ой бўлди. Аммо ҳозир кўпчилик (қизлар 48, ўғил болалар 50 нафар) бемалол эски ўзбек ёзувини мустақил ўқий оладилар. Энг қувончлиси, фарзандларимиз оилада одобли, ҳурматли ўрнига қўядиган бўлишди. Маҳалла-қўйда ўзларидан катталарга саломни қанда қилмайдилар.

М. ОЛИМЖОНОВ.

Совет Армияси кўни яқинлашган сари Собир Раҳимов ноҳиясининг «Мевазор» маҳалласидаги ёдгорлик олди зиёратгоҳга айланимўқда. Бу ерга келаятган ёш кексалар урушга кетиб, қайтиб келмаган маҳалладошлар хотирасини ёдга олишмўқда.

Т. Каримов сурати.



1-саҳифага

мактублар

Онамга

ёрдам беринг

ОНАМ 70 ёшда, 2-гуруҳ ногиронилар. Ўтган йили қариллик нафақаси ошиб, ҳар ойда 60 сўмдан белгиланган гувоҳнома берилди. Бунинг учун жуда миннатдор бўлдим. Аммо афсуски, онам йил давомида 50 сўмдан нафақа олдилар. Сабабини билмоқчи бўлиб, бир неча марта ноҳия социал таъминоти ва алоқа бўлимларига учрашдим. Ҳозиргача бирор ўзгартириш бўлгани йўқ. Онам қачонгача давлатимиз томонидан тайинланган нафақани тўлиқ ололмай сарсон бўларкинлар?

М. ЖАББОРОВА,
Ленин ноҳиясидаги «Истиқбол» маҳалласида яшовчи.

«Фахрий бўлсанг ўзингта...»

Бу мактубни ёзмоқчи эмасдим. Бир ҳайдовчи кўполлик қилди-қўйди-да, деб ўзимни юпатиб юрдим. Аммо ҳайдовчи йигитнинг тиржайиб туриши, «Фахрий бўлсанг ўзингта, туш машинадан», деб диллимни оғритганини унутолмай хафаман. Гап шундаки, 9-йўналиш бўйича қатнайдиغان 76-09 ТНН рақамли автобусга тушиб, «Асбобсозлик заводи» бекатида қолишим керак эди. Автобус тирбанд. Шунинг учун ўрта эшикнинг очилишини кутиб турдим. Бир неча бор илтимос қилишимга қарамай очилмагач, оқсоқланиб олдинга сурилдим. Энди олди эшикка яқинлашганимда ҳайдовчи ўрта эшикни очди. «Мен уруш ногирониман, овора қилиб нима қилардингиз, ўғлим», десам у юқоридаги кўполликни қилди. Орқамдан, «қачон сенлардан қутиламиз», дея эшикни беркитиб, жўнаб қолди. Кексаларга бундай муомалада бўлаётган ҳайдовчининг танобини тортиб қўядиганлар борми?

М. АЛИМОВ,
Киров ноҳиясидаги «1-Отчопар» маҳалла кўмитасининг раиси, Улуғ Ватан урушининг 2-гуруҳ ногирони.

Декча қозон

қидириб

ЕШЛИГИМДА отам декча қозон остига ўрик ёки ёғоқ дарахти ўтинидан ёқиб, палов пишириб турардилар. Таом шундай лаззатли бўлардики, асти қўяверасиз. Уша дамларни эслаб, шаҳардаги хўжалик моллари дўконларини бир неча марта айланиб чиқдим. Буни қарангки, бирор жойда декча қозон сотилмаяпти. Рўзгорда асқотадиган, энг муҳими, паловнинг мазали бўлишини таъминловчи бу буюмни сотувга чиқариш қийин бўлмаса керак. Мутасадди раҳбарларимиз озгина қўнт ва эътибор беришларини истардим.

З. ЛУТФУЛЛАЕВА,
С. Раҳимов ноҳиясидаги «Иттифок» кўчасида яшовчи уй бекаси.



Ўз касбига ихлос қўйган Мамлакат Одилова «Шарқ гули» бадий буюмлар бирлашмасида ишлайди. Моҳир тўқувчи беш фарзандини замонамизга хос кишилар қилиб камол топтирмоқда.
СУРАТДА: М. Одилова.

МАЪЛУМКИ, кейинги вақтда Президентимиз И. А. Каримовнинг сўйиш-ҳаракатлари тўғрисида халқимизга томорқа ажратиш ва яққа тартибда уй-жой қуриш учун кенг имкониятлар берилди. Узоқ йиллардан бери ердан, томорқадан қийналган халқимиз учун бу тадбирлар катта қувонч бахш этмоқда.

Ота-боболаримиз ёшларга турмуш кечириш юзасидан панд-насихат қиларканлар, ҳаётда умидсизланмаслик, руҳни тетик тутиб, кўнгилга яхши ниятларни, орзу-истакларни жо қилган ҳолда келажак сари дадил бориш зарурлигини ўқитганлар. Бу сўзларни айтиш-шимдан мақсад яратилган шароитдан келажак учун унумли фойдаланишни ўйлашимиз зарур. Ишни шундай режалаштириш керакки, ҳусусий уйлар фақат яшаш жойи эмас, балки ер участкаси тўғрисида табиат билан бевосита алоқада бўлишга имкон берсин. Бу ерда гап ҳам уй-жой қуриш, мева-сабзавот етиштиришга имконият яратиш ҳақида бораёпти.

Сир эмас, бозорларимизда мева-чеваларнинг нархи баланд. Ҳақли равишда халқимиз таажжубда. Энди ҳадеб ҳайратланавериш, «нимага қиммат» деб хафа бўлиш ўрнига бунинг туб сабабларини таҳлил қилиб, тезда бартараф этишимиз зарур. Бундан ўн, ўн беш йиллар илгари арзи-маган тийинлар турадиган ме-валар нархини яна тушириш

Оила иқтисодиёти

УДДАБУРОНЛИК КЕРАК

шаҳарликларнинг ўзига боғлиқ деб ўйлайман. Гап яна маҳалла ва турар жойлардаги фаолликка тақалмоқда.

Ижтимоий фаровонлиқнинг бошланиши маҳалладан эканлиги бугунги кунда барчага аён. Бу ердаги юмушларни жамоатчилик асосида бажаравериши эса маълум кишиларга оғирлик қилиши табиий. Шунинг учун бўлса керак, қўмита раислари ва котиблари-га сармоядан маош тайин қилинганлиги жуда адолатли бўлди. Шу ўринда мени анчадан бери ўйлантириб келатган бир муаммо ҳусусида тўхталмоқчиман. Хўш, нима учун маҳаллада бош боғбон лавозими тасдиқланиб, унга ойлик тайин этиш мумкин эмас? Жамоаларда ёши улуг, тажрибали, ана шу ишларни савоб учун ҳам қиладиган кекса кишилар топилмайдиган дейсизми? Топилади. Ишонинг, агар бу масъулиятни уларга маош ҳисобига юкласак маҳаллаларимизнинг аксарияти боғ-роғга айланган бўлар эди. Бундан ташқари боғбонлар бутун бир маҳаллага йўл-йўриқ, фойдали маслаҳатлар ҳам бе-

риб боришади. Уларга экиш учун новдалар келтириш, ток қаламчалари етказиб бериш, уруғларни олиб келиб сотиш, умуман кўламазорлаштиришга боғлиқ вазифаларни юклаш жоиздир. Марказлашган кимёвий ишлов бериш ва уни ташкил этиш, шунингдек бунга зарур маблағларни аҳолидан йиға оладиган кишилар бўлса янаям яхши.

Ишни шундай ташкил этишимиз керакки, шаҳримиз маҳаллаларида бирорта ҳовли, бирорта кўча боққа айланмасдан қолмаслиги керак. Агар назорат қилинмаса таёқни ерга суқиб қўйса кўкариб, мева берадиган унумдор ерларимиз бекор ётади, бинобарин бозорда олчанинг бир челаги 20-25 сўм бўлиб тураверади.

Мен уддабуронлик, тадбиркорлик деганда имкониятларни бой бермайдиган одамларни тушунаман. Тунука томларнинг тепасидан унумли фойдаланиб, тонналаб узум етиштиратган, кўчаларни ҳавас қилгудек боғ-роғларга айлантираётган маҳаллаларни кўриб балли дегинг келади. Уйнинг олди қуриб-қақшаб ётган хонадон соҳиблари кўпроқ бозордан нолийдилар. Шундай кишиларга йўл-йўриқ керак. Зора бундайлар ҳам кўпчилик маслаҳати билан мўлкчиликка муносиб ҳисса қўшсалар.

Кўраёписизми азизлар, оила иқтисодиётини яхшилаш ўз қўлимизда.

Б. КАРИМОВ.

Хорманг, депутат

ОЛҚИШ ОЛГАН КАМ БЎЛМАС

... БЕКАТДА автобусдан тушган Турғун аканинг кўзи чойхона ёнида турган маҳалланинг уч-тўрт оқсоқолларига тушди. «Тинчликмикан, яна бирор хонадонда жанжалли иш чиққанга ўхшайди», кўнглидан ўтказди у ва оқсоқоллар томон одимлади.

— Ишлар билан хорманг энди, Турғунжон, яхши келаяписизми? — дея қарши олишди мўйсифидлар.

— Ассалому алайкум, отахонлар. Ҳа, тинчликми, нима гап ўзи? — юзланди уларга.

— Тинчлик ҳов мулоҳидада эрта баҳорда тўй қилган хонадон борку, ана ўша ерда озгина жанжалли иш чиқибди. Шунга Сизни кутиб тургандик.

— Хўп, қани борайлик-чи...

... Бу лавҳани бежиз келтирмадик. Сабаби, бундан беш йил муқаддам, Авлоний маҳалласига раис бўлган дастлабки йиллари Турғун акага осон бўлмади. Айниқса, ўша йилларда ёш оилалар ўртасида ҳам «қўйди-чиқди»лар авж олган, маҳалла аҳлининг боши бир жойга бирикмаганидан кишилар ўртасида ўзаро аҳиллик, ҳамжиҳатлик ришталари боғланмаган, бир сўз билан айтганда, ҳамма ўз ҳолча ишарди.

— Маҳаллага янги раис бўлган йилим 70 дан зиёд оилавий иш қўрилган, — дея эслайди ўша вақтларни Турғун ака.

Ҳа, маҳалла аҳли ўшанда Турғун акани раисликка сайлаб адашмади. Шу маҳаллада ўсиб-улғайган, унинг ташвишли ва қувончли кунларига тенг шерик бўлган, қолаверса, бутун умри мобайнида барча миллий удум ва анъаналарда иштирок этиб келатган Турғун ака раис бўлгач аҳолини қийнаб турган муаммолар ва уларни ҳал этиш йўллари эринмай излади. У ишни даставвал хонадонлар билан яқиндан танишиш, уларни ўрганишдан бошлади. Аста-секин кишиларнинг ўзи ҳам унинг ҳузурига келиб дардини айтадиган, маслаҳат ва йўл-йўриқ сўрайдиган бўлишди. Маҳалла оқсоқоллари ва фаоллар билан алоқани мустаҳкамлаб, ўтказиладиган барча маросимларни режалаштирди, тўй-ҳашам ва маросим ўтказувчи комиссиялар сайланди.

Ниҳоят, орадан икки йил ўтар-ўтмас, бу ишлар ўз самарасини берди. Маҳаллада энг аввало тотувлик ва меҳр-оқибат қарор топди. «қўйди-чиқди»лар сони кескин камайди. Бунда ҳам шубҳасиз, Турғун аканинг ташаббуси билан маҳаллада ўтказилган ибратли тадбирлар, жумладан оталиқ ташкилот — Низомий номли Ташкент Давлат педагогика олий-

гоҳининг педагог-ўқитувчилари билан маҳалла аҳлининг учрашуви ҳамда шу маҳаллада истиқомат қиладиган бой турмуш тажрибасига эга Ҳаҳрамон онахонлар билан мустақил ҳаёт оstonасига қадам қўётган ёш келинлар, уй бекаларининг учрашуви, савол-жавоб кечалари каби тадбирлар катта аҳамиятга эга бўлди десак адашмаймиз.

Турғун ака Бекмуҳамедов мингдан зиёд оила истиқомат қилувчи 468 хонадондан иборат маҳаллада кўп йиллардан буён муаммо бўлиб турган сув ва канализация ҳамда кўчаларни қайта асфальтлаш ва ёритиш, электр тармоқларини янгилаш каби муҳим масалалар ечимига ҳам жиддий киришди. Натижада маҳалладаги кўчаларнинг кўпчилиги қайта асфальт қилинди. Ёз мавсумида кўпчилик хонадонларда экинларнинг суғорилиши оқибатида ичимлик суви танқис бўлиб қолиши муаммоси ҳам ҳал этилди.

Ўтган йили бўлиб ўтган маҳаллий Кенгашларга сайловда маҳалла аҳли Турғун аканинг жонқуяр ва фидойилигини, ташаббускор ва тадбиркорлигини ҳисобга олиб ноҳия халқ депутатлигига бир овоздан унинг номзодини кўрсатишди.

Фрунзе ноҳияси депутати сифатида Турғун ака эндиликда маҳалла аҳли билдирган юксак ишончни оқлаш учун бор имкониятларини ишга солган.

Яқинда унинг ташаббуси билан маҳалладаги эски электр тармоқлари ва ёноч устунлар янги бетон, устунлар билан алмаштирилди.

Маҳаллада ҳашар йўли билан барпо этилган богда бундан уч йил муқаддам ширкатчи тикувчилик корхонаси очилиб маҳаллалардаги бешик аёллар шу корхонага ишга жалб этилганди. Бу хайрли ишни ҳам депутат Турғун ака Бекмуҳамедов амалга оширган.

— Ҳозирда корхонада хом ашё масаласи тақчил. Асосан кийим-бош ва аёллар кўйлаги тикиладиган корхонани хом ашё билан таъмин этиш мақсадида ноҳиядаги тўқимачилик комбинати билан ҳамкорлик шартномаси тузиш мақсадга мувофиқдир, — дейди Турғун ака.

У бу фикрни ноҳия Кенгашидаги депутатлар йиғилишида ҳам ўртага ташлади. Айни дамларда ноҳия Кенгаши шу масалани ўрганмоқда.

— Агар бу таклиф ижобий ҳал этилса, маҳалладаги уйга иш олиб ишловчи аёлларнинг ҳам иши анча енгиллашарди, — дейди у.

— Турғунжон ҳамиша халқ ташвишида, эл ғамида юради. Зотан, депутат чинакамга халқнинг таянчи ва ишончи бўлмоғи даркор, дейишади маҳалла оқсоқоллари Турғун ака Юсупов, Аъзамхўжа Тошхўжаев, Тўхтаҳўжа Убайдуллаев ва Номил ака Юнусовлар.

Турғун ака маҳалладаги яхши анъана ва удумлардан фойдаланиш, миллий урф-одатларни, маънавий қадриятларни тиклаш каби ишларга ҳам алоҳида эътибор бермоқда. Зеро, эл ташвиши ва ғамини ўзиниқ деб билган инсон ҳамиша юрт олқишига, маҳалла таҳсинига сазовор бўлишига шубҳа йўқ, негаки олқиш олган — кам бўлмайди!

З. ДУСМУҲАМЕДОВА.



Фарғонадан хат

ШУКРОНАЛИК

МЕҲРИНИСА ая каби онахонларимизни ҳақиқий меҳнаткаш, мушфиқ ўзбек аёли десак бўлади. У 15 ёшида ота-онасидан етим қолиб, рўзгор тебратиб ва укаларига қараш ўз зиммасига тушди. Йиллар сувдек оқиб ўтди. Бир армони, ўқийлмади, бунга имкон ҳам, фурсат ҳам топилмади.

Фарғона вилояти, Қува ноҳиясидаги «Қизил кетмон» маҳалласида яшаётган онахон ҳозир 92 ёшни қаршилади. Деярли бир асрга тенг вақт ичида қўлидан не иш келса қилди, билган нарсаларини бошқаларга ўргатди. Энди эса фарзандлари, 26 невара ва 27 чевара даврасида кексалик тағтини сурмоқда.

Маҳаллада қандай тадбир ўтказилмасин, Меҳриниса ая билан маслаҳатлашиб иш кўрилади. Кўпинча унинг ёшлар даврасида бошидан ўтган воқеаларни гапириб, ахлоқ-одобга чорлаётганини кўриш мумкин. Келинчаклар оилани мустаҳкамлаш учун ишни нимадан бошлаш кераклиги, саранжом-саришталикни у кншидан ўрганадилар.

— Энг аввало тинч замонамизга шукроналар қилиб яшаш зарур, — дейди Меҳриниса ая Тиллаева йўл-йўриқлар кўрсатар экан. — Оиладаги бараканинг калити тотувлик ва тежамкорликда. Бунга донмо амал қилсангиз кўзлаган режаларингиз тўла-тўқис бажарилаверади.

Г. МИРЗАҲАКИМОВА.



Фойдали маслаҳат.

Х. Солиҳов сура-лавҳаси.

Кўпнинг кенгашига

ҚАЕРДАСИЗ, ДОНИШМАНД ОТАХОНЛАР?

ҚўЛИДА гўдаги билан хонадондан хафа бўлиб чиқиб кетаётган аёлни Фозил ота тўхтатди.

— Ҳой болам, шошма, қани бери келчи.

Аёлнинг кўнгли тўлиб турган эканми, қарияни кўргач йиғлаб юборди.

— Қўй қизим, йиғлама, — юпатди уни Фозил ота. — Тинчликми ўзи?

— Даврон акам ичиб келиб, ҳозироқ уйингга кет, деб ҳайдаптилар.

— Кет, деса кетаверасанми. Қани юр, ичкарига кира-миз, мен ўзим гаплашиб қўяман.

Отахон билан бошлашиб келаётган умр йўлдошини кўр-ган Даврон бироз ҳовуридан тушди.

— Уят эмасми, ўғлим, — деди Фозил ота йигитни ёни-га ўтказиб. — Гулдек фарзандинг бўлса. Келинни нега хафа қилаясан?

— Уй юмушларини имиллаб қилади. Ўзининг айтгани-ни ўтказсам, дейди.

— Яхшилаб тикилсанг ҳатто қуёшда ҳам доғлар бор. Бир-бировининг айбингни айтаверсанг, яхши ишлар баъ-зан ёмондай кўринади. Шукр қилинган ҳар икковинг-ни ҳам яхши биламан. Инсофли, диёнатли оиладансиз-лар. Арзимаган нарсдан жанжал чиқариб, аразлашиш рўзгордан баракани, оиладан имонни кетказди.

Ота ибратли бир ҳикоятни айтиб, сўзини тамомлади. Ҳар иккаласига қўша-қўша фарзандлар, тотув ҳаёт ти-лаб дуо қилди. Унинг ўғитларидан кўнгли юмшаган ке-лин секингина уйга кириб кетди. Даврон эса алланечук бўлиб, отани эшиккача кузатиб қўйди.

Мен гувоҳи бўлган бу воқеага кўп йиллар бўлди. Биздан уч-тўрт уй нарида яшайдиган Фозил ота маҳалламизнинг табаррук кишиларидан эди. Нуроний отахон кирган хона-дон албатта фойз-барака топарди. Кимнингдир ўғли ас-карликка кетаётганда, биров бетоб бўлиб қолса, хуллас оилалардаги қувончу ташвишли кунларда Фозил ота кўн-гил сўрагани чиқардилар. Олдиларидан шошиб ёки хаёл билан салом бермай ўтган ёшларни тўхтатиб, сиполик би-лан танбеҳ беришлари ҳеч кимга оғир ботмасди.

Фозил ота оламдан ўтгач, маҳалламиздан фойз кўта-рилгандек, анча ҳувиллаб қолди. Тўғри, савлатда, кийи-нишда у кишидан ўтадиган қарияларимиз талайгина. Улар кексалик гаштини суриб, роҳат-фароғатда яшаша-япти. Бироқ кўпчилик тинчлигини бузгиси келмайди. Ҳо-зир бировга ақл ўргатадиган замонми, дегувчилар топи-лади. Ҳа, айнан ёшларга панд-насихатлар бериб, йўл-йў-риқлар кўрсатадиган давр эмасми, ахир.

Арзимаган жанжал туфайли болаларини тирик етим қилаётган оилалар, кўп йиллар девор-дармиён кўшилар-нинг ер талашаётгани, отасидан қолган меросни бўли-шолмаётган ўғилларни кўрсам Фозил ота ёдимга туша-ди. Донишмандларча қилган насиҳатлари ҳар қандай кўн-гилни эритиб юборарди. У кишининг дуосини олиш учун ҳам биз, ёшлар сипо юришга одатлангандик. Ҳаётнинг паст-баландини ўтаган, атрофидаги воқеаларга бефарқ қа-рамайдиган отахонлар, қаердасиз? Биз йўл-йўриқларин-гизга муҳтожмиз.

С. ШАМСИДИНОВ.

Ҳикоят

Бахтингдан ўргилай, қизим

ХАЛҚИМИЗ дейди: ўтган замонда уч қиз бор экан. Она кўлини қосов, сочини супурги қилиб ўзи емасдан қизларига едириб, киймай кийдириб, уларни вояга ет-казибди. Вақти-соати етгач, катта қизга совчи келибди. Она уни кузатар экан: «Шу кундан бошлаб келинсан. Отанг битта эди энди икки-та, онанг ҳам иккита бўлди. Энди сенинг ғамхўринг ҳам, маслаҳатгўйинг ҳам қайнона ва қайнотангдир. Бизни қан-чалик яхши кўрсанг уларни зиёдор кўр», — деб тайин-лабди.

Она ўртанча қизи ва кен-жатоини ҳам шундай наси-ҳатлар билан кузатибди. Орадан бир оз вақт ўтиб хабар олиш учун катта қи-зиникига борибди. Кўрса қизи эри билан қайнотасига яхши муомалада бўлар, аммо қайнонасини «Менга она бўлармиди», деб ёқтир-мас экан. Қайнона келинни, келин эса қайнонани ёмон-лабди. Айб кўпроқ қиздада эканлигини билган она «Охи-ри хайрли бўлсин», — деб

ўртанча қизиникига бориб-ди.

Хол-аҳвол сўраса «Кўё-вингизнинг онаси яхши-ю, отаси ёқмайди. Қўримсоқ» — дебди қизи. «Оббо, бу қизим ҳам бахтини бой бериб қў-йибди-ку», — ўйлабди она. Шундай қилиб у кенжатоин-никига йўл олибди.

— Ойижон, сиз айтган-дек қайнонам — она, қайно-там — ота бўлишди. Рўз-горимнинг оғир-енгиллигини баробар кўтаришди. Сиз билан отамдек ҳурматлари-ни жойига қўяман. Шундан бўлса керак, мени кўярга жой тополмайдилар. Бирам яхши кишиларки, жуда бахт-лиман, — дебди.

«Карс икки қўлдан чи-қади», — деганлари шу-да. Бу ҳикоят билан танишгач, ёдимга халқ мақоллари туш-ди.

Онангни қафтингда тут-санг, қайнонангни бошинг-да тут.

Отангга иззатда бўлсанг, қайнотангга ҳурматда бўл.

Х. АҲМЕДОВ.



Тошкент чинни заводидида ишлаб чиқа-рилаётган коса, пие́ла, чойнак, лаган каби уй-рўзгор буюмларини уй бекала-римиз ҳавас билан ишлатишмоқда.

СУРАТДА: кўрхонанинг гул босиш це-

хида тайёрланаётган бу чинни маҳсулот-лари дўкон орқали тўғри хонадонларга жўнатилади.

Х. Солиҳов сурати.

АҚЛ ВА ИМОН ЧИРОҒИ

ХАЛҚИМИЗДА «Бола азиз, одоби ундан азиз», де-ган доно нақл бор. Кейинги пайтда фарзандларимиз хулқ-атворида салбий ўзга-ришлар намоён бўлаётгани кўпчиликини ташвишга сол-моқда. Бектемир ноҳиясида-ги «Орзу» чойхонасида ўт-казилган одобнома туркуми-даги мунозарали кеча «Мил-лий қадриятлар шахс камо-лотининг асоси» деб аталди. Тадбирда ноҳия раҳбарлари, маҳалла кўмиталарининг фаоллари, уруш ва меҳнат фахрийлари, кўп болали она-лар иштирок этдилар.

Баҳсда қатнашганлар ёш-лар тарбияси муаммолари устида тўхталиб, ҳозир ин-сонийлик, меҳр-оқибат, пок-лик каби фазилатларнинг шаклланиб бормайётганига асосий сабаб, ота-боболари-миз мероси — миллий анъана-римизнинг унутилаётганида эмасмикан, деган фикрни билдирдилар. Бола тарбияси аввало ота-онадан бошланмо-ғи керак. Ўзингиз бир ўй-лаб кўринг-а. Агар ота ич-киликбоз ёки она ахлоқан нопок бўлишса фарзанд улардан нимани ҳам ўрга-ниши мумкин? Бундай оила-да вояга етаётган бола ёмон йўللarga кириб кетиши тур-ган гап.

— Адаб — ақл ва имон-нинг чироғи, обрў-этибор сармосидир, — дея доно-лар сўзи билан гап бошлади 92 ёшли отахон Кабиржон Эргашев. — Ота-она оилада ҳар бир ҳаракатларини фар-зандлари кузатиб туришга-нини унуттишга ҳақлари йўқ. Биз 12 болани тарбиялашда бир нарсига катта эътибор бердик. Уларнинг вақти қай йўсинда, кимлар билан ўта-ётгани доимо назоратимизда эди. Мана, минг шукрки барчаси эсли-хушли, ҳаёт-дан ўз ўринларини топишди. Ҳозир ҳам бирор жойга бо-ришмоқчи бўлишса албатта мендан рухсат оладилар. Олти келиннинг худди қиз-ларимдек кўраман. Фар-зандларим билан фахрлан-сам арзийди.

Кечада ноҳия партия кў-митасининг биринчи котиби Г. Соболев, Тошкент шаҳар маҳаллалар ишлари мувофиқ-лаштириш Кенгашининг рай-си Қ. Фозилхўжаев, элпу-нос олим Б. Аминов ва бош-қа ўртоқлар ҳам юқорида зикр этилган мавзу бўйича ўз фикр-мулоҳазаларини билдирдилар.

Н. АБДИРИМОВА.

Акс садо

Ўғилларим устага шогирд

ОТА касбига фарзандларининг барчаси ҳам қизиқавермай-ди. Бирор фойдали касб ўргатиш учун болаларнинг хоҳиш-гаям қаралгани яхши. Ота-она ҳаммадан кўра зурриёти ҳа-ётда қоқилмаслиги, тўғри йўлдан боришини ўйлайди. Бунинг учун эса ўғилми, қизми бирор ҳунарга болалигидан қизиқ-тириш, оғзаки гапиравермай иш жараёни билан яқиндан те-ништириш лозим.

«Маҳалладош»да эълон қилинган «Шогирдингиз борми, у-ста ака?» мақоласи (1991 йил, 17 январь) менда катта қизи-қиш уйғотди. Муаллиф муаллимлигидан хурсанд бўлиб, ўс-тозларга озроқ эътирозимни билдирсам. Кўпгина ўқитувчилар дарсни яхши ўтишад-ю, боланинг келажақда ким бўлиши билан қизиқишмайди. Ота-онаси бор-ку, деб хотиржам бўла-дилар. Пойтахтдаги баъзи билим даргоҳларига борганимда мендан «Санъат музейи қаерда?» деб сўрашди. Ажабо, му-зейни муаллимлар билишмаса ўқувчилар қаёқдан билишсин? Айниқса табиат, адабиёт, тарих ва санъат музейларида мак-таб ўқувчилари низоъда кам кўринишяпти.

Менинг беш фарзандим бор. Бир қиз, қолганлари ўғил. Қизим чеварликни танлаган. Оилали, касбидан мамнун. Кат-та ўғлим илмгоҳга киролмагач, темир йўл ишчиси бўлди. Маоши тузук. Икки ўғлим 8-синфни битиргач, ҳунар-техника билим юртига бергандим. Бирини уч йил, иккинчиси бир йил бўёқчиликка ўқишди. Афсус, ҳеч вақони ўрганишмапти. Дик-қат бўлиб ўтиргандим ўзлари: «Дада, устага шогирд туш-моқчимиз», дейишди. Розилик билдирдим. Ишлаб кетишди. Икки-уч ой орасида бири ёғочсозлик, иккинчиси наққошлик санъатини устозларидан ўрганишибди. Кузатиб, бемалол иш-лаётганликларидан беҳад мамнун бўлдим. Айтмоқчиманки, усталар озгина жонкуярлик, фидойилик қилишса фарзандле-римиз келажақига муносиб ҳисса қўшган бўлардилар.

М. АҲМЕДОВ.

Ўзбекистон ССЖ Давлат санъат музейининг катта илмий ходими.



«Маҳалла» дастури бўйича бажарилаётган ишлар Киров ноҳиясида кўнглидагидек боришти, десак бўлади. Бу-нинг асосий боиси ижтимоий соҳадаги барча режалар иж-роқ бўли томонидан тасдиқла-ниб, муайян муддатда амалга оширилаяпти. Болалар бог-часи, тиббиёт муассасаси қу-риш ёки газ, водопровод новлари ўтказиш... Булар-нинг ҳаммаси ҳужжатда аниқ-равшан акс эттирилган. Бундан ташқари 26 та маҳалла фаоллари маълум

вақтда йиғилиб, ноҳиядаги мутасадди ташкилотларнинг раҳбарлари билан тупланиб қолган муаммолар юзасидан фикр-мулоҳаза юритишяпти. Бажарилиши керак бўлган вазифалар белгилан олвна-ётгани яхши самара бермоқ-да. Бу ишларга ноҳия ма-ҳаллалар ишлари мувофиқ-лаштириш кенгаши бош-қош.

С. БОЗОРБОВЕ.

СУРАТДА: Асбобсозлик за-води клубида навбатдаги йи-ғилиш пайти.

Т. Каримов суратлари.

© «Маҳалладош» рўзномасининг бугунги меҳмони кўчилиқ ҳамшаҳарларимиз, айниқса, аёлларга яхши таниш бўлса керак. У киши кўп йиллар Тошкент тўқимачилиқ ва енгил саноати илмгоҳи, кейинчалик Фрунзе ноҳияси, ҳозир эса Тошкент шаҳар хотин-қизлар Кенгашининг бошқармоқда. Кўриниб турибдики, Холида Қодирова аёллар турмуш тарзи билан яқиндан танишиб, обдон ўрганиб, катта ҳаётий тажриба тўплаганлар. Шунинг эътиборига олиб, мутахассис сифатида фикр-мулоҳазаларни билан ўртоқлашини илтимос қилдик.

— Холида Ғуломовна, сўхбатимиз йўналишини маҳаллалар ва бу жойлардаги ўзгаришларга боғласак.

— Бўпти, келишдик.

— Менда саволлар талайгина. Қайси биридан бошласам экан. Келинг, маҳаллада яшовчи аёлларимиз сизга қандай ёрдам сўраб мурожаат қилишадигани ҳақида гапириб берайлик.

— Асосан ижтимоий масалаларда. Болалар боғчаси етишмайди, савдо ва маъиш хизмат кўп жойда яхши йўлга қўйилмаган. Моддий қийинчиликларни-ку гапирмасам ҳам бўлади. Бир кўлида бешик, бир кўлида дунёни тебратишга қодир аёлларимиз жамият тараққиётига ҳалол меҳнатлари билан ҳисса қўшишарми. Аммо уларнинг асосий вазифаси фарзанд тарбияси эмасми? Бунинг учун биз оналар, айниқса кўп болали оналаримизга барча шароитларни яратиб беришимиз шарт. Бу ишга албатта маҳалла фаоллари, хотин-қизлар кенгашлари бош-қош бўлишлари лозим.

— Раиса сифатида ўзингиз раҳбарлик қилаётган кенгашлар фаолиятини кўнгилгиз тўлаётинми?

— Турғунлик йилларининг асорати хотин-қизлар кенгашларига ҳам ўз таъсирини кўрсатди. Маълум вақт бу соҳадаги ишлар ўз ҳолига ташлаб қўйилган эди. Очиги, ҳозир ҳам мақтовга лойиқ даражада эмас. Аммо ўтказилаётган тадбирларнинг мақсули ҳар бир оилада ўз аксини топишига ҳаракат қилаёмиш. Энг муҳими, одамлар «кенгашнинг асосий вазифаси эр-хотинни яраттиришдир», деган тушунчани унутишарми. Ноҳиялардаги кенгашлар хотин-қизларни фойдали меҳнатга жалб қилиш, турмуш маданиятини ошириш, болалар муассасаларида таълим-тарбияни яхшилашда муайян тажриба орттирдилар.

— Бу тажрибаларнинг ўзига хос жиҳатлари ва йўналишлари борми?

— Албатта. Масалан, энг кўп болали аёллар яшовчи Октябрь ноҳияси маҳаллаларида аёлларни меҳнатга жалб қилиш яхши йўлга қўйилган. Ҳозир кенгаш томонидан корхоналарда аёллар иш соатини камайтириш, қулай тартибда ишлаш бўйича таклифлар киритилапти. Фрунзе ноҳиясидаги 4 та микрорайонда қизлар клуби фаолият юритмоқда. 8-10-синф ўқувчиларини ҳаётга тайёрлашда ҳуқуқшу-

нос, шифокор, шунингдек бошқа соҳа мутахассислари билан учрашувлар, пазандалик, меҳмон кутиш, кийиниш ва ахлоқ-одобга бағишланган танлооларнинг аҳамияти катта бўлапти. Акмал Икромов ноҳияси хотин-қизлар кенгашининг раиси Одила опа Умархўжаева ноҳия раҳбарларига мурожаат қилиб, фаол аёлларни ноёб моллар, енгил автомашина, турар жойлар билан таъминланишига эришарми. Киров ноҳияси маҳаллаларида яшовчи аёллар ўтган йили болалар кўнига бағишлаб меҳр-оқибат марафони ўтказдилар. Кўриб турибсизки, ютуқларимиз кўп. Қувончлисиз шундаки, кенгашларнинг ташкилотчилик роли тобора сезилиб бормоқда.

келганда бир масала ҳақида тўхталмоқчиман. Бозор муносабатларига ўтадиган бўлсак қанчалик оғир бўлмасин хотин-қизлар, айниқса кўп болали оналарнинг иш кўнини қисқартиришимиз лозим. Агар уларга болалар, уй-рўзгор ва ўзларига қарашга қанча кўп вақт ажратсак, иш унумдорлиги шунча юқори бўлиб бораверади.

— Холида опа, сиз Иттифоқимиздаги бошқа жумхуриятларда бўлган экансиз. Бу жойларда кенгашларнинг фаолияти, оилавий муносабатлар қандай аҳволда?

— Тажриба алмашиш мақсадида Москва, Теллинк, Рига, Куйбишев ва бошқа шаҳарларга боришимга тўғри келган. Хотин-қизлар кенгашлари-

Кутлуғ ташриф

«ЮЗ ПАРДАМИЗ КЎТАРИЛМАСИН»



— Бозор иқтисодида ўтсан биринчилик қаторида аёлларимизга қийин бўлиши сир эмас. Шу ҳақда ҳам ўйлаб кўрай-сизларми?

— Маҳаллаларда кўп болали оналар, турли сабабларга кўра узокқа бориб ишловладиган аёлларимиз кўпчилигини ташкил этади. Агар жойларда кичик-кичик касаначилик цехлари очсак улар уйлари ва фарзандларидан кўнгиллари тўқ бўлиб, жон-жон деб ишга чиқадилар. Ижрокўмлар бу масалани ҳал этишлари учун вақт етди, деб ўйлайман. Бундан ташқари уй юмушларини енгиллаштириш мақсадида маҳаллаларда кир ювиш машинаси, холодильник, дэзмон каби керакли уй-рўзгор буюм-ларига нават ташкил этиб, хонадонларга етказиб бериш зарур. Амалий ишларимиздан бири, айни пайтда шаҳар меҳр-шафқат ва болалар жамғармалари томонидан касаначилик цехлари очилапти. Фрунзе ноҳиясида бундай цехларни хўжалик ҳисобиде, мустақил бошқариш учун имкониятлар қидириб топилаётган. Бир гуруҳ аёллар мененжерлик бўйича таълим олмақдалар. Кези-

нинг аксариятида ўз жамғармалари бор. Зарур бўлганда маблағ ажратилаверади. Россиянинг кўплаб шаҳарларида эр-хотиннинг ажралишиб кетишига етарли аҳамият берилмаслиги мени хайратга солди. Мурсоси келишмасе ажратиб юборилсаверар экан. Айтмоқчиманки, оилани мустаҳкамлаш учун айтирли жонбозлик кўрсатилмайд. Сўхбат чоғларида ўзбек хонадонларидаги урф-одатлардан хабардор бўлган ҳамкасбларим биз бир-биримизга меҳр-оқибатли эканлигимизни мақтаб гапирдилар.

— Шундайку-я, аммо пойтахтимизда ҳам ҳеч вақт яшамасдан ажралишиб кетадиган ёшларимиз кўп. Уларнинг аччиқ қисматиға ачинасан, киши...

— Тўғри айтасиз. Бу — йигит-қизларимизни оилавий ҳаётга етарли тайёрламаётганимиз оқибатидир. Оила бузилишида кўпроқ аёлларни айбон олат бўлиб қолган. Масалага атрофлича ёндашган маъқул. Қайнона-келин муносабатларини шакллантириш билан бирга йигитларга йўл-йўриқлар кўрсатиш тўғрисида

ҳам ўйлаб кўриш зарур. Бунда қуруқ гапдан кўра айтилмоқчи бўлган фикрларни баҳс ёки мунозара тарзида сингдириш фойдали. Биз айнан мана шундай қилаёмиш. Ноҳияларда маҳалла фаоллари, кенгаш аъзолари, тажрибали қайнона ва қайноналар, намунали оила бошлиқлари, фарзандлар иштирокида кечалар ташкил этишни йўлга қўйдик. Бир кўз олдингизга келтиринг-а. Яқинда тўй бўлиб ўтган хонадон олдиндан ўтсангиз фаршисеи борлиги дарров сезилади: киравериш озода супурилган, дераза пардалари туширилган... Келин ким бўлишингиздан қатъи назар останада салом бериб кутиб олади. Аммо эшикни очиб «Ким керак?», дейдиганлари ҳам баъзан учраб туради. Ана шундай ёшларимиз мунозара чоғида ўзларига тегишли хулоса чиқариб олмақдалар. Оилавий келишмовчиликларга келсак... Бизга кўп ҳолларда бу ҳақда кеч мурожаат қилинаётгани ачинарлидир.

— Қани энди ҳар бир оилада тинчлик-тотувлик, ҳамжиҳатлик ҳукм сурса...

— Тотувликка эришиш ҳар кимнинг ўз кўлида. Бу тил қургурдан биринчи бор ёмон сўзнинг чиқиши қийин. Бир гапириб олдингиз, кейин яна давом этиши мумкин. Шунинг учун ёш келинларга доимо қайнона, қайнона ва умр йўлдошингиз олдида ҳеч қачон юз пардангиз кўтаришмасин, деб тайинлайман. Юз парда — бу ўзаро ҳурмат, иззат-иқром, оқибат дегани. Одам ўзини тутта билиши, маданиятли бўлиши лозим. Маданиятни афсуски баъзи ёшларимиз антиқа кийинишда деб биладилар. Мен бу иборанинг маъносини бошқача тушунаман. Одам қайси касб эгаси бўлишидан қатъи назар, ўқиганим-ўқимаганим, аввало тарбияли, камтар, ширинсўхан, ён-атрофидигиларга меҳрибон бўлмоғи керак. Оила келажаги, тотувликини ўйлайдиган эркак ёки аёл бир гапни айтишдан олдин андиша билан, ҳар томонлама фикр юритади.

— Ҳозир аёлларимизга кўплаб имтиёзлар яратилапти, нафақалар тури ва миқдори ошди. Булар аёлни меҳнат кучоғидан яна уйга қайтаришга уриниш эмасмикин?

— Энди аёлни уйга қайтариш қийин. Сабаби, моддий қийинчиликлар, оиланинг иқтисодий томони бор. Агар эр яхши топиб келса, хотин албатта уйда ўтиргиси келади. Аммо етишмовчиликлар бунга йўл қўймайди. Баъзан лекторлар жамоаларга боришса маъруза бир томонда қолиб кетиб, барча ўз дарду хасратини айтиб кетади. Аёлларга бироз бўлса ҳам ёрдам бериш ниятида кенгашимизнинг жамғармасини ташкил этаямиш.

— Мунис аёлларимиз, муҳтарама онажонларимизга кўнгилгизда қандай типаклар бор?

— Соғлиқ-саломатлик, бахт-саодат тилайман. Хонадон тинчлиги, дастурхон тўқилиги, тўйларнинг ихчам ўтиши, энг кераклиси, турмуш лаззати уларга кўпроқ боғлиқ эканлигини унутмасинлар.

Сўхбатим С. ШОДИЕВ
ёзиб олди.

Урнак олса
арзийди

ХОНАДОНГА САРТАРОШ КЕЛДИ

— Ассалому алайкум. Шермат ака, ие, бу қанақаси, кўрпа-тўшак қилиб ётиб олибсиз?!

Уста ҳол-аҳвол сўрагач мўъжазгина жамадонини очди. Унинг ичидан қайчи, устара, тароқ, кўпиртиргич, сочиқ ва бошқа керакли нарсаларни олиб ишга киришиб кетди.

Ўзининг 15 йиллик фаолиятида илиқ миннатдорчилик сўзларини кўплаб эшитаётган сартарош — Рафиқ ака Матовдир. У кўпчилиқ ўртасида «Уста» деб ном олган. А. Икромов ноҳиясидаги Ҳамза маҳалласида болалардан тортиб, юз ёшга яқинлашган кексаларгача Рафиқ аканинг хизматидан мамнун.

Маҳаллада кекса отахонлар кўп. Уларнинг айримлари сартарошхонага келишга қийналишади.

— Шундай кексаларимиз, шунингдек ногирон, бетоб кишиларнинг хонадонига бориб хизмат кўрсатавераман. Менимча, бундай беминнат хизматни ҳар бир маҳаллада йўлга қўйиш керак, — деди Р. Матов.

А. АБДУРАҲМОНОВ.



Тоживой тажанг
шаҳар кезади

ЯШАНГ-Е, ҲАЙ-БАРАКАЛЛАЧИЛАР!

Янги жойга кўчиб кетган бир танишим сим қоқиб, ҳеч йўқламайсиз, деб анча яниди. Янглишиб қолмай, деб манзилнинг сўрасам «Водник» даҳасининг 2-мавзесидаги «огма» уйда яшаймиз, деди. Ҳайрон бўлиб йўлга тушдим.

Мавзедаги 29-уй олдиға етганимда тепага анқайиб қараб қолдим. Назаримда қийшайиб турган 9 қаватли бино ҳозир ағдарилди-ю, атрофида ўйнаётган болакайлар... Нафасингни иссиқроқ қил-е, Тоживой.

Лифт ишламаётган экан, юқорига чиққунча нафасим оғзимга тикилиб қолди.

— Аҳволни қаранг, кечадан бери совуқ сув йўқ — деди уй соҳибни ҳасрат қилиб. — Бунинг устига уй яхши иситилмайд. Мавзенинг ўрни илгари Чирчиқ дарёси тоғи ётадиган жойлар экан. Замини бўш бўлгани учун қурилган уйлар секин-аста чўкяпти. Мутахасссларнинг айтиши, деб давлатнинг қанча маблағи бекорга кетди энди.

Ҳайбаракаллагичлик даврида пухта ўйламай қилинган иш, бугун яна ташвиш келтирапти. Ўтирибману назаримда бир томонга оғатгандайман. Даст ўрнимдан туриб, мутасаддилар олдиға йўл олдим. Бектемир ноҳиясидаги бу «огма» уйни улар ҳам бир кўриб қўйишсин.

Тоживой акага жияни С. АБДУЛЛАЕВ ҳамроҳ бўлди.

Бу — қизик

ШАКАР... ДАВОЛАЙДИ

ФРАНЦИЯ шифохоналаридан бирини узок вақт битмайдиган яралар шакар билан даволанапти. Шифолаш усули оддий: ярани ювиб тозаланмайди, фақат қуритиб шакар сепилади ва доке ҳар куни алмаштириб турилади. Одатда бундай яралар бир неча ҳафта давомида битиб кетади. Мутахасссларнинг фикрича, шакар яра атрофидаги микробларнинг ривожланишига йўл қўймас экан.

ПЛАСТМАССАЛИ МИХЛАР

ЯПОНИЯДАГИ «Котото» фирмаси магнитланмайдиган, зангламайдиган ва енгил қирқиладиган михни пластмассадан тайёрлай бошлади. Бу қулай «таёқча»лар қаттиқ тахталарга ҳам енгил қоқилади. Фақат оддий болға ўрнига махсус пневматик қурилмадан фойдаланиш зарур.

М. ҲАКИМОВ
тайёрлаган.